

Et, apres la mort du roy saint Loys, alla accompagner le roy Philippes son fils, a la conquete d'Arragon, ou il moureust.

Ledit Humbert, seigneur de Montpencier eust deux freres tres chevaleureux et promptz aux armes ; cest asscavoir: Aracle et Loys , lesquels feirent de merueilleuses prouesses en leur temps.

Le tiers filz de la dite dame Sybille de Flandres fut nommé Loys et fut chanoyne et conte de Lyon.

Dadavantage fault presupposer que les seigneurs de Beaujeu sont encores de plus longtemps, car il y eust un conte de Lyon, de Forestz et de Beaujolloyz qui eust trois enfans ; c'est asscavoir : Arthault, lequel demeura conte de Lyon , et Estienne, conte de Fourestz ; a Omphroy escheut la seigneurie de Baujeu. Lesquels sont tous enterrez a saint Hirigny de Lyon, en ung tumbeau en la nef du dit lieu ; ou sont les armes de Beaujeu, a ung lyon de sable et a cinq lambeaux de gueulle, en plusieurs lieux, et est en escript sur le tumbeau dessusdit ce qui sensuyt :

« HIC REQUIESCUNT DNS ARTHALDUS COMES LUGD. ET FO-
 « RIENSES DNS STEPHANUS COMES FRATER EIUS ET AMPHREDUS
 « BELLIOCI DNS ET PATER ET FRATER EORUM OBIT DICTUS
 « ARTHALDUS ANNO DNI NONGEN^{mo} NONAGESIMO TERTIO. »

« Icy gisent monsieur Arthault, comte de Lyon, messire Estienne, comte de Foretz, son frere, et Amphroy, seigneur de Beaujeu, et leur pere et leur frere. Ledit Arthault moureust lan neuf cens quatre vingtz et treize. »

J'ay veu ledit tumbeau et epitaphe depuys ung moys, et ca audit lieu de saint Hirigny de Lyon.

Madame Blanche de Chaalon, vefve dudit Guichard, comme dict est, demeura dame de Belleville, et se remaria ; et en secondes nopces espousa Berault, seigneur de Mercueur. Elle fonda, donna et ediffia le couvent des freres de la Deserte, a